



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

XV. Das Kloster zu Dambeck findet Barthold Boldewin, Propst zu  
Bardewyk, von dem Besitz der Pfarre zu Mahldorf und zweier Vicarien ab,  
am 17. März 1518.

---

---

**Nutzungsbedingungen**

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

uthef szuluen houe vnnnd ghude vorantwerden schall, Ok eyn stuccke landes, dar Ilsebe, vorbenompt, eynen haluen scheppel lyns Jarlikes mach uppzeyggen, de wyle sze leueth, fryg vorgbunnen vnnnd tho stan lathen vnnnd eyner tyden vnnnd Ilseben dochter, katherynen ghenometh, wannere de Beradenn vnde tho den erenn bestedyghet wert, eyn rint van dren Jaren gheuen vnnnd werden lathen, Wannere ok tyde vnnnd Ilsebe myt Hanze vnnnd szynen echten ghenen, wal de wert, szych nycht konnen verdragen offte dar mede nycht lengher ghedencken tho wonnende offte wedderumme Hans dangkqueredes sze nicht lengher wolde by szych beholden, Alzedenne vnnnd nycht eer schal vnnnd wyl Hans dangkqueredes tyden vnnnd Ilseben bynnen dreen Jaren van der szuluen tyt, wannere sze also van ander theen an thoreckende, vyfundetwintich marck vorgherorder szoltwedelscher werynge schuldich szyn vnnnd bethalen, Also tho Jewelkem szunthe Michaelis daghe der dryer Jare Achte marck vyff schyllinge veer penninghe szoltwedelscher werynghe. Dar mede alle Handel vnnnd Auescheydt, wo bouen ghemeldet vorheen swyfschen tyden vnnnd den upgherorden kynderen Jennyghe wyfe ghescheen, ghans vnnnd alle ghedodeth vnnnd vornychtighet szii. Deszes alle wo vorgheschreuen tho thughnylze vnnnd mede wettenbeyt hebbe yck Hinricus, praeft, upgnant, umme der bouenschreuen Thyden vnnnd Hanszes bede wyllen der erghemelten prouftie tho dambeke Inghelzghell wylliken lathen hennghen benedden an deszem bress, Na cristi vnzes heren ghebordt Im vyfteynhundersten Jare, des donredages na flabiani.

Nach dem Orig. des Salz. Archives LXI, 47.

XV. Das Kloster zu Dambek findet Barthold Boldewin, Propst zu Bardewyk, von dem Besiz der Pfarre zu Mahldorf und zweier Vicarien ab, am 17. März 1518.

Wy wernerus, praust, Catharina, Ebbetiffa, gehetenn vann Der Schulenburg, Odeke mollers, prioriffa, metke vann Badendick, Subprioriffa, vnnnd gantze vorfamblinge des Juncfrowen closters tho dambecke bekennen apenbare vor vnns vnnnd vnze nakamelinge. Szo wy dem werdigen Heren Cristiano lubeckenn, praeft tho dore, Eyne Commission vnd Eyn Mandatum myth fuller macht In bouellige gedann, Also vnsem procuratori vnzes closters, de parre tho malstorp vnnnd Eyne vicarie In der kerkenn tho vnzer leuenn frowenn In der Olden Stadt Soltwedell vnnnd Eyne vicarie In der nigenstadt In Sunthe Catharinen kerkenn der hilligen driger konnigh Altar darfuluest, In vorgangenn Jarenn dem werdigen heren vnnnd magister Bertoldo Boldewini, praust to Bardewick etc., de suluigenn lene dorch god gelegenn hebenn vnnnd beuther In possessionn gehath heft vnnnd geneget is, de suluigen lene vnsem closter to vorlathen volgender wize, also dat wy vnnnd vnze nakamelinge Schullenn vnd wyllenn dem vargedachtem heren magistro Boldewino vor de Souenteynn wispell roggenn vnd Soes schepell Jarlicker boringe vann den suluigenn dbrennen lenenn alle jar de tidt lynes leuendes vth vnsem redesteme guderen Edder van vnzes Closters baue twelf wispell roggenn Jarlick to geuende, Dar sick vpgemelter heren Boldewinus wyll mede szedigenn latenn, Des wy Eme hochlick bodanckenn vnnnd ihne gerne miith in vnze beth nemenn, goth dem Almechtigenn vor ohme to Biddenn, vnnnd

vnfze procurator Christianus lubecke hir bauenn bofcreuener wize mith magistro Bertoldo vnfenthaluenn alfo vulmechtiged, fzo vor Eyniget vnnd vordragenn hefft vnnd vnzem heren dem prauefte fzo to gefcreuenn, Ock de Signatur der driger lene vann dem Sanctiffimo vnzem clofter Ewichlikenn to jncorporerende Erlanget het. Deme na wy var gemelten wernerus, prauft, Catharina, Ebbediffa, Odeke mollers, prioriffa, vnnd gantze vorfameling vnzes closters dambecke lauenn vnnd Seggenn in craft vnnd macht duffzes breues dem werdigen heren vnnd magistro Bartoldo Boldewini, prauft to Bardewicken, Sodanne twelf wispell roggen de tid fynes leuennendes alle jar vth vnzenn redestenn guderen Edder vann vnzes closters Baue woll tho dancke togeuende vnnd in de Stadt Soltwedell, wor her Berteldt fyn werdt, dat dar hebben wyll, vorenn latenn vnnd wenn vpgemelte heren Berteldt Boldewini vann dodes wegenn worde affgaan, dem godt lange frifte vnd spare na finem gotlikem willenn, Szo schall duffe breff vnnd nicht ere macht los fynn vnnd de twelf wispell roggen wedder ann vnze clofter frig valen. Weret, dat wy var gedachtem prauft, Ebbediffzen vnd gantze vorfameling In der botalinge des roggen fumich wordenn, alfo wy nicht vorhapenn, Szo mach vnnd schall magister Bartoldus vnme de twelf wispell roggen mith geistlikem rechte vnns vorvolgen, fo lange dat he vann vnns Jerlick betalet werth. Alle duffze vorgescruenen Stucke, puncte vnnd artikell vnnd Eyn Iflik befunderen laue wy vorgedachtem prauft, Ebbediffa, Prioriffa, Subprioriffa vnd gantze vorfameling vnzes closters Dambecke dem werdigen heren magistro Bartoldo Boldewini etc. Stede vaste vnnd vnuorbrakenn in gudenn truwenn gelouenn, ane alle geuerde vnnd argelift vnnd wes mynschenn vornunft kundenn Erdenkenn woltoholdende. Des to vrkunde vnnde meher wissenheit hebbe ick wernerus vann der Schulenburg, prauft to Dambecke, mynes prauestes Ingefegell vnnd wy Catharina, Ebbediffa, vnzes Capittels Ingefzegell ock hetenn hangenn ann duffem apenbref, de gegeuen vnnd gefcreuen is na der Borth Cristi Dufzenth vyffhundert vnnd Im achteindem Jare, am middewekenn na dem hilligen Sondag Letare.

Nach dem Orig. des Salz. Archives XLI, 23.